

潛江縣志卷之八

知縣事劉 煥纂修

知縣事史致謨續纂

風土志

風俗
物產

古蹟

墟墓

別墅

義阡

凡民習尚攸殊繫乎水土之風氣君子以居德善俗剛柔質文因其勢而利導之上作斯下應矣潛為楚西一隅地其間遺蹟墟墓園林勝概可考而紀也顧世異年湮滄桑屢易曠地幽境蹊橋崖閣興感題詠寄人弔古之思者讀名賢遺文能不為之三歎流連耶利蓄於藪

潛江縣志

卷之八

風土志
風俗

一

平原巨瀦之區以佃以漁生人所需述其物宜任土之義在焉作風土志

風俗

民性淳樸恥尚華靡士業儒民習農漁

舊志

尚文藝勤本業其地沮洳畏潦不畏旱

省志

耕尚鹵莽嵒窳媮生而鮮蓋藏歲稔營田屋不計費一再歉則輕售而徙故富厚盡歸商賈而土著無素封之族乃士人婚必奠雁喪必家禮齊民畏官奉法則他郡所不及

成化舊志

成弘以前邑俗樸俚尚義有太古風恨不生其時頃雖稍易世變固然不獨潛也然至今重質少文士重清議村農有老死不識吏者畏官府無敢梗拒寧餓死不俛伏齷齪婚喪用文公禮間有佛葬鼓喪鬪筵競訟則市野小民爲之儒紳未有也

萬曆舊志

論曰潛之爲邑自宋元明以至於今其風俗所著非一日之故矣予嘗聞先生長者言前輩遺事大都崇孝弟尚廉恥畏刑辟習儉素鄉之長老多厚重謹飭導子弟讀書敦本不以虛文相炫飾稍縱恣輒以規

潛江縣志

卷之八

風土志
風俗

二

矩繩之其仕進率砥礪名節能建立於時待聘之耆宿遺世之高士清修芳軌爲後生矜式雖鄙暴者亦知所敬禮農工商賈勤力本業不敢犯非其分婦人嫺閨訓而修女事嚴內外以示禮別斯昔之潛俗其有足稱哉乃今特立懷古之士則猶不忘其初凡民敗佚俗尚漸改江河日趣風斯靡然傷今思古其可慨惜者良多吾潛壤瘠而善貧兵燹後陽侯繼虐流離載道輕徙鄉井農苦矣橫經之子迫於追呼奔走公庭學不殖而落矣長民社者匪撫字之是務而失

其表率淳龐者浸以漓矣宮室有制服食有等憲典也前代承平之末侈或有之今儉且不支烏庸侈然有士大夫椽不蔽褐不完菽不飽而販豎輿隸且有丹堊牆壁錦繡珍錯以至妾媵僭擬僮僕驕恣奢則不遜者矣冠婚喪祭禮之大也邇乃婚惟論財貧輒棄於富矣喪祭尚彌文信二氏以糜有用之錢廢古儀而儉其親矣田有佃役有僕分相維而法相守者今則飢附飽颺尾大背馳而不可問矣紳士異於編氓土著異於外籍善類異於刁頑明有別也今乃是

非淆雜親疏倒置等威蕩然矣子弟狃於傲惰羣居逐嬉以妨業小人習攻訐恃拳勇好爲犯上之行比黨譎激踵於途幾如學之有塾焉尤甚者結鄰境奸貪不逞之徒錯壤而居凡邑有興除良法少不便於己者輒謠詠而議其後賢令長教化漸摩而未能卒變嗚呼此前之君子所以切世道日下之慮與夫民情之從於君上者謂之風民習之繫於水土者謂之俗予考前之君子之所以志吾邑之風俗而爲推其流弊之極於今日挽其頹而進於道轉移之機非薦

紳之彥飭躬範俗力行古道與更化宜民之君子振興而匡其未失奚賴乎董子曰教化行而習俗美易今日之衰以成異日之盛蓋庶幾焉

古蹟

俞潭城 在縣西南八十里棠林岡俞潭舖漢關帝屯兵處今遺址尚存

四營臺 在縣西南三十里關帝屯兵處

仙人隄 五代高季昌築濱洛江仙妃之所常遊名仙人隄

潛江縣志

卷之八

風土志
古蹟

四

畢家樓 在儒學前宋狀元畢漸故里明萬厯元年燬

白鶴壁 宋度宗咸淳十年元伯顏侵郢州潛入漢破

沙洋新城壁兵白鶴寺中在縣西六十里長塢垸舊有伯顏題壁詩碑刻在寺山門

伯顏題壁詩 水戲輕提百萬兵大元丞相鎮南征舟行漢水波濤息馬踐吳郊草木平千里陣雲時復暗萬山營火夜深明皇天有意亡殘宋五日連珠破

兩城

白鶴樓 元姚燧建以藏書今燬

勝景 舊載八景

東城煙樹 南浦荷香 僧寺曉鐘

蚌湖秋月 蒿口仙橋 蘆泐佛壇

清溪山色 白泐波光

教諭王禎蘆泐佛壇詩 壇建蘆溪自古今冰虬長
浸碧波心畫檐金鐸風霜古石竇丹梯歲月深清夜
佛燈明耿耿半空星像燦森森登臨回顧乾坤廣不
許塵埃半點侵

曹亂昌南浦荷香詩 得住香光卽往生好風吹夢

潛江縣志

卷之八

風土志
古蹟

五

六橋行涼颿自放蕭山焰火樹齊燒不夜城月下羽
搖騷鬼笑雨中妝打綠衣爭真成淨侶元牽曳鄭重
污泥未了情

教諭曾愷南浦荷香詩 太華移來玉井蓮花開南
浦綠荷鮮風生四岸清香遠日上千枝翠蓋圓絕勝
芝蘭沾化雨不同桃李鬪春妍令人幾度來遊處惹
得餘芬滿袖邊

曾愷僧寺曉鐘詩 上方月曉度疏鐘聲徹閭閻處
處同鴉噪松林頻出定香焚石鼎漫談空響回銀漢

星初落催起扶桑日漸紅欹枕教人清省聽此身渾
在梵王宮

教諭馮雲傳南浦觀蓮詩 暗香不度野雲奢一月

風清柳半斜未許塵心觀色界西池自在白蓮花

焦穫寓樓 在縣治前正街崑山朱公祠後康熙八年

己酉夏六月邑侯邵陽王又旦題并書今燬

孫徵君豹人作十五國詩志將有事於楚風康熙己
酉過鵠磯泊潛渚止於茲樓凡三閱月憫澇憑弔遊
覽讌集之什百餘篇蓋一邑詩史也豹人與王侯稱

潛江縣志

卷之八

風土志
古蹟

六

石交侯之顏斯樓其亦懷李白於天末標沈約之八
詠爾遯翁先生曰自有宇宙卽有此溪山還有此佳
客否豹人名枝蔚陝西三原人流寓揚州康熙十八
年己未以布衣應博學宏辭試

上因老文學授內閣中書舍人職還山

孫枝蔚寓樓雜詩 仙人愛樓居而况老腐儒樓居
有何好可以讀我書不坐新豐市不釣淮陰魚安飽
賴故人舍此復焉如 男兒生世間他事無所求不
買千間廈亦建三層樓廈以庇寒士樓以望神州此

志今已矣三歎不能休 作客厭朝眠樓高天易曙
欄杆立饑鳥不忍打教去觀物因自悲依人成相怨
田間水瀰瀰求食爾何處 叩門聲剝啄此邦多佳
士過從無晨夕討論先經史相如客臨叩作事亦可
恥吾當師子雲得酒心懽喜 黑貂初脫體黃鸝正
饒舌晴夜見飛蚊便來乘微熱寓樓非眞宅不久須
遠別仍如中風走豈爲西日烈樓西向故云 楚騷氣不
平楚歌聲不懽楚天四時雨楚水浩漫漫潛江復何
如居人餬口難救汝有賢令汝勿常悲酸 村居近

潛江縣志

卷之八

風土志
古蹟

七

湖水大半化魚鼈山中復難住豺虎肆饕餮我行歷
四方對此但哽咽長飢已多幸歸與妻兒說 怪風
勢拔屋梁塵墜滿案呼僮急收書已愁緜帙亂此時
江湖裏危舟誰相看徼倖歸平土慎無忘大難

墟墓

孔子過季札墓而興思感其人也瞻彼周道纍纍而名
不彰固比比已邑有賢者勲業爛熳史冊盛德流傳鄉
里百祀後父老猶能道古卽不墓不忘之矣矧墓耶傳
有云墟墓之間未施哀於民而民哀則其過墓而相與

歛歛憑弔不忍去者夫非愛慕之念使之然與顧時移
世邈隆替踐更馬鬣雖存樵牧誰禁昔賢墟墓其滅沒
於荒烟寒雨者曷可勝道爰志墓而太息言之庶景先
型者知所興感焉奚啻備考覽之足云

春申君墓 在縣西南九十里舊傳黃歇冢碑久字蝕
土人訛稱奉甲塹

邑人張承宇過春申君墓詩 歇也穿窬盜胡然列
四雄魯弱姬一綫滅之以爲功帥眾函關下束手奔
還東秦禍未及楚李女先伏戎不用無妄人負乘致

潛江縣志

卷之八

風土志
墟墓

八

曠龔竟罹無妄禍良由天道公云此是其冢蕩然無
高崇相傳古有碑缺折塗泥中身應束縛至冢亦號
矇矓我來春夏際唯見麥芄芃

宋

狀元畢漸墓 在縣西南八十里

明

都指揮僉事佘隆墓 在縣東北荷湖洪武八年奉勅
欽葬

都指揮僉事佘威墓 在縣北蘆泐洪武十四年奉勅

欽葬

指揮鄭忠墓 在縣策口洪武十年奉勅欽葬

交趾按察使李宗信墓 在縣西門外有碑

舉賢良方正主簿初灝墓 在縣西門外

贈御史初珍墓 在縣南內濱蒿陂湖之原有勅命碑

巡撫都御史張師載墓 在縣西北巴家洲諭賜祭葬

有碑

御史嚴賓墓 在縣西門外子孫式微墓亦湮入園林

宜表之以志前賢

潛江縣志

卷之八

風土志
墟墓

九

鉛山知縣袁允行墓 在縣西六十里廣福鄉長樂寺

參政初杲墓 在縣南崔家垵

太僕寺少卿歐陽東鳳墓 在縣東黃漢垵 大學士

孫公愼行誌銘

德慶知州歐陽東白墓 在縣東黃漢垵 大學士賀

公逢聖誌銘 大司馬熊公廷弼表子簡州州同爨

葬同垵

永安知縣郭之藩墓 在縣東黃漢垵

工部員外郎劉勲墓 在縣東北二十五里景陵古垵

御史劉公陽表子學使劉垓祔葬

慶遠知府郭之幹墓 在縣西七十里荆門彭冢山

副使歐陽柏墓 在縣南木家嶺 大宗伯李公維禎

誌銘

御史胡鑰墓 在縣東黃漢下耳垓

大參袁國臣墓 在縣南崔家垓 大冢宰周公嘉謨

誌銘

通政司劉道隆墓 在縣東北仁和垓

張承宇哭舅氏劉納言公詩二首 朝野人情盡黯

潛江縣志

卷之八

風土志
墟墓

十

然晨星那復墜名賢門庭縞素初蕭寂池館清幽忽
棄捐漢代校書身易退晉朝繞指志空懸居官前後
纔三載枉卻科名四十年 當時老父病燕中襁褓
嬰兒託付公只道有甥酷似舅何期此子不如翁吟
哦已困身將隱骨肉相依數忽終想到九原重會處
行行血淚凍寒風

御史何薦可墓 在縣西栗林垓

贈文林郎朱侃墓 在縣北六十里景陵青山山北

翰林洗馬鄒公德溥誌銘

參政吳從誠墓 在縣西門外 方伯周公士昌誌銘
戶部郎中李鳴墓 在縣東黃漢垵子大參之皞祔葬
之洵依葬墓北刑部呂公慎多誌銘

漢中知府劉應同墓 在縣東北荷湖垵子孝廉黃陂
教諭昌士孫南康同知增俱葬同垵

刑部員外郎朱宗望墓 在縣東北義豐垵 王給事
鳴玉誌銘銘曰人莫困於不知已莫辱於不知止公
之出而爲廉吏也無貴賤近遠孰不有公之名灌其
耳處而稱達尊也實不但以其爵而重其德與齒乃
所稱一言而終身者不過曰有恥今義豐之原一抔
之壘公所取諸地者廉而所徼於天與人亦以侈况
夫志而銘之者其弟子之子曾橐筆而爲史

海豐知縣喻曉墓 在縣東北泗河嶺

喻曉自撰誌銘 釣叟姓喻氏名曉字子義別號覺
菴其先綿州人也祖諱武勲父諱經翰自蜀如楚過
潛江見俗醇土沃遂家焉母徐孺人生釣叟年十四
補邑庠弟子員三十六領鄉書三上春官不第年四
十三署浙江嵎縣教諭事越三年陞山東海豐知縣

兩受簡命知愛民好士而已不善奔競以論罷歸欣然解印挂冠作鸚鵡喻歸田之日年五十矣有別業在泗河上日垂綸自娛與漁夫爲侶鷗鷺成羣性嗜酒喜吟詩作歸來草堂紀年稿年七十明府性南王公以儒學謬舉鄉飲嗣是杜門謝客不履城郭蓋十四年於茲矣釣叟無他長惟視死生得失之際泊如也萬曆乙亥營菟裘於泗嶺與胡孺人同其穴建小坊於前自題曰止邱今年春秋八十有四歎人生之似寄安能久於人間世邪一日坐友鶴亭吟小詩一

潛江縣志

卷之八

風土志
墟墓

十二

絕云竹裏編茆遠俗塵日將琴鶴自相親已知垂老身如客漫向林中作散人吟畢呼酒而飲因自撰爲墓志銘曰富貴浮雲於我何有寄迹江干樂而且久長笑而歸死且不朽

嘉興知府劉應鈎墓 在縣東北仁和垵 總憲鄒公元標誌銘銘曰鍾于吉温以純守吳越惠以循少年而專城方強未艾而乞身勒我銘湘水之濱論世者曰此吉之人吉之人君神弈弈江楚如生孫聞喜知縣珏依葬墓右

廣文隗滋墓 在縣西巴家洲

兵部職方柴恪墓 在縣西七十里荆門青冢 大宗

伯李公維禎誌銘銘曰令六年而郎眾不謂榮薄爲
常郎十日而尉眾不云絀名乃貴吳有桐鄉楚有畏
壘子孫繩繩世濟其美疇表新阡維舊史氏猗歟柴
公沒不朽矣 太史焦公竑表

副使歐陽燿墓 在縣東黃漢垵 學士劉公肇國誌

銘子通判壻孫知縣城俱祔葬

廣文朱之瑚墓 在縣北太平垵子司理士達葬同垵

潛江縣志

卷之八

風土志
墟墓

十三

御史劉寅墓 在縣南棠林湖 公自爲誌

御史劉寅自誌 略曰昔華容劉忠宣公國朝名臣
也不欲子孫求名言爲墓誌表恐鋪張太過則有愧
地下乃自述履歷以勒諸石公之至誠如此可師也
予何人斯無一行之可取亦敢效先賢以自敘耶恐
後人妄徼作者盛美之詞以重吾不德故不揣僭妄
而自志其始末云予先世潛之士著編民始祖仕生
彥奎奎生遲遲生瓚瓚生鏞鏞生吾贈君廷貴行四
娶先太孺人呂氏生二子余居長父命曰寅字敬甫

直庵其別號也予八歲入鄉學十七充邑庠生娶先室李孺人漢中貳守李豹臺翁第三女子年二十有二適遭沙洋之水里役差重贈君既老弟尚幼予一人支撐十載辛苦艱難與李孺人蓋備嘗之嘉靖甲子倖登賢書萬厯庚辰選北直隸鉅鹿學博居三年五薦八獎癸未春推陞華陽令四年間薦者二獎者三皇上浩蕩之恩予父母兩室人皆得褒封自揣過分矣戊子二月奉欽取考選南京山東道監察御史凡所建白俱蒙聖上俞允奉勅巡視鳳陽倉辛卯秋

復命回道復奉勅巡京營京倉越月陞江西南安府知府遂決意告歸年五十九不復有功名富貴之念矣歸來天賜以清閒之福予亦斤斤自守不干求有司與人爭競貪圖田產卽親友宴會亦未多赴於城南十里許祖塋之左作爲壽藏周圍覆以甃石李孺人先遷祔於此予自愧鄙薄之人所得於造物者已厚天下無不盡之數生寄死歸何憾之有故自述其履歷誌諸石俾後世子孫知所自來如此繼室蔣邑庠生蔣儒之女以予官受封如李孺人子三策援例

補國子生娶庠生郭之寶女女一適監生歐陽東鼇
并附書焉

桂林知府朱之玉墓 在縣北太平垵 大司寇劉公

若金誌銘

徵君張承宇墓 在縣東道仁垵 郎中歐陽烝誌銘

徵君張承宇自祭文 崇禎己卯季秋之杪張子以
其將盡之神爲人將幻之軀爲物以神告其物曰天
之於汝有意乎無父母皆楚乃遇于吳越人爲媒以
誕此軀孕于母腹十四月餘乃娩厥身五歲而孤十

潛江縣志

卷之八

風土志
墟墓

十五

歲自命何誇何愚顯則稷契隱則巢許逸氣翩翩柔
翰栩栩三十不第決意遠舉神情放達煙雲吞吐十
有八載不出不處聖主徵賢良朋薦汝未肯輕卽尋
其故步再事棘闈舉而仍錯人欲用之天必欲錮汝
病旣深汝形將去物無不盡行無不住一恨所學十
未得五二恨蕩平目所未覩三恨城市有負林嶼我
視此天于汝何酷凡世憂苦無不汝逐自幼至老病
骨疥肉水沒爾田火焚爾屋但見汝咎未見汝福生
如斯人如斯已乎已矣已矣付諸千古

孝廉朱士完墓 在縣北蝦子湖

盱眙知縣歐陽燧墓 在縣東黃漢垸

遂寧知縣劉孚墓 在縣東班家灣

本朝

贈按察司僉事涂起鵬墓 在縣南沱埠垸

順治十七年七月奉

旨祭葬 諭祭文 維 大清順治十七年七月十七

日

皇帝遣湖廣布政司堂上官一員分守荆西道宋之屏

潛江縣志

卷之八

風土志
墟墓

十六

諭祭於原任廣西平樂府平樂縣知縣今 勅贈廣

西按察司僉事涂起鵬之靈曰同仇者義士之壯懷

殉城者貞臣之亮節惟爾職司守土偶嬰賊氛乃能

抗志靡他以死明義聞訃痛之特賜祭造墳旌爾風

烈九原不泯尚其歆此

翰林庶吉士朱士冲墓 在縣東黃漢垸

吏部郎歐陽烝墓 在縣東黃漢垸

翰林學士劉肇國墓 在縣東江汊垸

刑部尚書劉若金墓 在縣東東沙港 大中丞郭公

都賢誌銘

明時人錯志於此

保寧同知周廷彬墓 在縣東葛柘坑

懷遠知縣向大觀墓 在縣北唐家湖

處士劉泌如墓 在縣南磚橋坑 張公汝瑚誌銘

丹徒知縣李貺墓 在縣東黃漢坑

甲午貢士朱士尊墓 在縣北景陵青山山南

別墅

周禮天官園圃以毓草木過此則有洛陽名園記蓋因寄所記各有幽思游屐所經率多題詠地志及之不獨

潛江縣志

卷之八

風土志
別墅

十七

爲觀也亦有文獻焉遇其人則一邱一壑亦足以傳不遇其人雖疊巘迴溪亦荒榛宿莽叢之矣語謂陟其故邱昔人與遊睇於道周今人與諏者信名園爲盛衰之一候與

秀野園 邑通政司劉道隆別業在西郭外

邑人張承宇過故舅氏劉公秀野園詩二首 依舊

芳菲出院牆無情落日照清觴可憐池畔烏啼樹似向人前唱渭陽 淺水欹橋坐小舟三年路欲斷西

州當時手植青松樹枝掃高簷瓦墜樓

一枝齋 邑太僕歐陽東鳳別業在河東亭榭參差臺
沼透迤環古木千章建三層閣以藏圖史公休致後
學易其中著我乾飛霞閣草諸書順治戊戌傅家灣
隄決沈爲潭僅餘公自題曲柳銘一石於斷隄間銘
曰誰鑄爾形鞠躬道周含煙拂草迎颺弄柔爾游爾
釣我綸我鈎意不在魚愛爾風流

邑人柴一德陪羅訥庵明府遊一枝齋詩 小邑希
案牘春風清訟庭寇氛聞暫斂四壘幸少寧使君自
公暇褰帷至郊垞頗厭騶從繁步踏野花馨追陪二

潛江縣志

卷之八

風土志
別墅

十八

三子相看眼俱青素園弔先達竹樹存儀型曲柳卧
道傍苔蘚剝其銘魚鳥江天散印月留空亭從容捐
苛禮修爵瀉醪醺絲肉禁勿奏林幽籟可聽几筵再
徙倚雲物幻蒼冥微言送斜日能使醉者醒

萬元書屋 在城內西北邑知府郭之幹別業中有桃
花洞五老峯翠柏亭琅玕塢天鈎洞長春隄芙蓉岸
蓮花池天香道匯清亭諸勝題詠甚眾

袁宗道詩 君家漢水曲相近武陵源分得武陵花
春雨燃山園 桃花洞 峻嶒踞虎豹蒼翠積莓苔疑是

廬山石風雨忽飛來

五老峯

白日起寒濤長夏何森

爽中間安鹿牀趺坐絕塵想

琅玕塢

偶踏長春隄涼

風吹解帶班荆數過颿沙鳥飛雲外

長春隄

郭正域詩 何處移來石堆成五老峯五老相對語

石丈今成翁

五老峯

滿池種荷花紅妝照淥水白鷺

不驚人立在荷花裏

蓮花池

王禹聲詩 匯清亭構草堂陰書幌從教翠竹侵樹

杪夜深巢一鶴池邊月落靜孤琴風吹菡萏陶公社

佩泠芙蓉楚客吟不淺王猷幽興在春來花徑轉深

潛江縣志

卷之八

風土志
別墅

十九

深匯清亭

讀易山房 邑西鄉知縣李鳴讀書處

無錫高攀龍題詩 止足身方貴遺榮道所珍李君

才不世未老卧江濱早歲看藏豹文場羨獲麟青雲

高欲掇白雪調誰倫時論推匡鼎何知後邠詵廿年

埋繪藻百里屈經綸彭澤門惟柳萊蕪甑有塵訟庭

啼鳥靜官舍落花春美政方馴雉高情忽憶蓴結茅

當翠巘開戶遶青蘋楊子玄經奧孫登易說新書聲

清薜荔翰墨長松筠無意看車馬非關慕隱淪素心

安伏枕聖世許垂綸已見芝蘭秀寧須龍蠖伸幽人
湖海吉靜者性情真一室全吾道三湘得此身逍遙
叢桂裏好植百年春

松雲閣 在東城內祝世祿記曰余同年李君之皞有
閣去先壟一水而近蓋其大父奉政公崇信孺慕不
置所創創而燬厥父西鄉公鳴新之歲時登眺松楸
鬱鬱在白雲隱見間

蠡園 邑尚書劉若金別業也在縣西門外二里

宜城邱瑜寄題蠡園詩 水國人家冰鏡裏蘭堂深

潛江縣志

卷之八

風土志
別墅

二十

向鏡中開歸雲似愛庭柯色閒鶴偏依花徑苔豈謂
明時堪大隱暫將幽事試清才逃喧知爾能疏放日
上蓮舟去幾回

景陵曾其傳寄蠡園主人詩 每向松邊想勁風嵯
峨獨砥眾流中千秋照史天爲永一日從王地有終
閩海披緇霜皎皎沱江垂釣月懵懵故人猶有梁鴻
在若問行藏應與同

紫霞莊 邑處士默石子朱孔昭躬耕處瀕河築室流
水繞舍嘉樹千章庭植紫微一本八榦榦俱二十丈

許中可置几七八人環坐吟歎花時蔚蔚若紫霞故
以名莊相傳昭遺事昔河水泛漲忽嚙三面之堞大
半昭仗劍墜五小石鎮之嚙者卽墳起昭入山後莊
亦隨沒

邑人張承宇訪默石子詩 清流抱短籬細雨幽長
晝白髮主人翁把鋤親種豆

幽賞園 在郭南五里邑別駕郭鈇構

漢陽李昌祚題詩 陟茲東嶺有石若澣捎羅出雲
觸花當管林叢黠黠疆里瞳瞳拱揖竦竦論說侃侃

潛江縣志

卷之八

風土志
別墅

二十一

主耶賓耶名豪座滿或歌而笑或舞而瘡或醉而卧
或袖而短老人潦落稚兒曲款白衣酒至藍谷詩纂
晉代參軍宋室皇瓚以視厥樂亦旣云罕我客停旌
賴此以衍來思詠思忽聚忽散命彼僕夫薄言還館
驅車軸牽征衣路亶遙望原草與秋旋幹旣見君子
利金爲斷

邑人王啟遠詩 雨過花添輕豔霜驚葉著初紅勝
地名流佳會清歌雅課雄風

止園 邑刑部郎中朱宗望別業在縣東洛江河畔公

昔賦遂初時闢地爲園園唯古栢數株茅屋數椽子
文學之佩因舊址爲邃壑崇巖竹徑松塢構索笑堂
引桐居墨粟齋雲聲閣卽心庵經營數十年爲邑中
勝地武陵楊公嗣昌有記順治十五年河決高家壩
沈爲潭

麻城曹胤昌客止園詩 沱潛不肯山止園不矜水
河影非園中水氣侵園裏竹樹以波行草木若風徙
白雲懷小亭林燈曳水底滔滔萬里中主人曰予止
梅尊坐典型竹嘉展君子涼吹翦生壙聲聞止音旨

潛江縣志

卷之八

風土志
別墅

二十二

北夢零星言南郭折鐵几野老社耆英青松締黃綺
聞君寶嬰姹焉用餐菊杞坐隱足消閒耘花必躬理
少年裘馬兒往往恣譏毀潦水落霜冬洶洶安在矣
蘭芽旣以長種豆落可耳孤桐壁立秋營營古人恥
又同止園先生憩坐詩 主人深類柏來坐淡如桐
不厭年年綠欣聞旦旦風竹牀飢去鼠瓦鉢餉遲童
掃迹觀苔徑蕭蕭更幾朋

景陵吳贄題止園墨粟齋詩 竹林初闢地棐几石
牀連墨似金壺汁書成雨粟天琴聲動畫壁雲氣染

茶煙堪寄南窗傲無煩草太玄

邑人劉肇國集止園賦河濱七章 涉彼河濱黍麻
茂茂燕燕羣飛雉于朝雒嚶嚶鳥語維節維奏扣角
而聽黃鐘滿脰 桃宿莽蜂柳棲麥蟄寸晷漸移云
胡不察如金斯敲如玉斯戛靜言思之已什七八
亦有葛衣何必方空亦有勁弩何必雕弓培塿寵寵
淵涓濼濼濯濯鳧翁穆穆清風 江漢雖廣方之航
之泰岱雖高登之荒之白雲在天勿曰遠而水石粼
粼勿曰淺而 菡萏未敷荷引其先敢云舌脆而謂

潛江縣志

卷之八

風土志
別墅

二十三

齒堅蟲有巧拙酒列聖賢玉豈甘碎瓦豈終全 啁
啁啾啾爰飲爰啄篠簜嫵娟如櫺如幄物無機心人
無彫琢洞庭之野可以張樂 有客既嘉有酒且醪
魴鱮鰓鯉以釣以炙可以袒裼可以岸幘我思古人
我心實獲

景陵李祚哭止園主人穉玲先生詩 楚澤風煙斷
含淒過潛川百雉荒日色冰花縈素咽慘澹寫大招
凍筆窸芊芊高懷弄流霞爽氣秋浦煙我見時不冠
飄然古偃佺閎論戛金石煥寒不可牽知我薜蘿深

去住任其天飲我薇花下鼓缶撥么絃不以洛下英
黜彼後輩玄謔浪本大道締交以忘年忽焉何所之
夢遶闔都裕天人一漚耳海國幾迴然垣曲冷墨粟
名齋屋舫綻月泉凍合開亭柱光搖固霜筵名舍猶聞侍
史鑰別館上客延痛哭霜樹裏水落石田田早秋執
我手後期勅無愆追懽來茲日恭製大椿篇百斗洞
庭春纈眼字如椽日月不相待輓歌侑豆籩圖竈司
空宅沙牀王孫埏兩朝隱君子曹石霞以此五字爲先生題墓於公
何靳焉媿媿老僧話執手洒以漣逍遙負杖日度閣

潛江縣志

卷之八

風土志
別墅

二十四

度屢躑自昔曠心人不隨俗情研令聞國有形懿行
家有箋卻用漢唐制神道表墓阡納納三世好磨石
嵌層巔

朱士尊止園雜感二首 濃陰十畝地能有幾株遺
如立洞庭岸忽驚風雨時新蟬愁翳窄夕鳥怨巢危
追憶經營苦攀條可勝悲 先子煙霞癖枝枝手自
栽亭看霜後竹窗卧臘前梅煮茗汲流水得魚上釣
臺籃輿經過客重覽棹舟來

紺珠園 邑別駕歐陽壻所居在東沙巷子知縣臧易

名衍園謂園當潛水之干江漢所匯魚所產也蓋於
雅之南有嘉魚嘉賓式燕以衍之義有取焉自爲序
康熙十一年毀於水孫貢士錫疇仍結廬其地

邑人張承宇過歐陽若木紺珠園詩 園門深鎖叩
方開覓火温將攜酒來草色漸封春後徑禽蹤時綻
雨餘苔聊爲互獎傾樽興代與先商種樹才須乞天
晴多幾日途中不礙主人回

若在秦中

武進毛會建過歐陽巢青兄弟紺珠園詩 東沙不
知里曲江潛之東沆漭三澁外煙樹交龍葱中有歐

潛江縣志

卷之八

風土志別墅

二十五

陽氏淵源本醉翁高密吾故友

介庵高密令

大暢乃祖風

二子皆英絕干莫還爭雄結廬元邱側讀書孤島中
我來數晨夕追歡事不窮泛舟出前浦溪回樹幾重
壑魚驚墮網沙雁忽橫空輟棹任所往花木夜濛濛
渾如輞川曲疑與仙源通翻恐迷歸路燒燭比高春
到門且一笑洗盞話從容蘇子懷渺渺禰生鼓鼗鼗
大都豪士氣語默皆心胸老子意不淺牢落將無同

一詩聊紀興明日示陶公

謂郃陽王明府

謾園 在南城外邑貢士郭鋏構帶水設橋中有四面

閣環古梅百餘株園爲鋏祖給事公嵩所創故橋木
壽藤錯列樓榭間

邑侯邵陽王又旦梅花亭歌 野夫日日愁不醒河
隄已壞亦堪哀岸柳傾側麥菽死十里轟輶聲如雷
里中勝蹟僅存者北郭蓮花南郭梅南郭主人如避
世獨居樹下絕塵埃入門一溪繫畫舫紆徑雜樹鬱
不開西偏老榦最輪囷愛惜寧忍使摧頽野浦月出
照屋角千枝萬枝落莓苔對此徑須貰醇酒唯我與
爾寡嫌猜春風二月繁英發一月直看三十回

潛江縣志

卷之八

風土志
別墅

二十六

又王侯過歲十日簡謾園主人詩 過歲十日生意
微奔走東西受人鞿傳聞南郭梅有花炤耀寒雪生
光輝主人好我邀我看過時不去葉漸肥郢南園林
君家好繞屋千株皆十圍野性夙昔好留連未招嘗
往往不歸況逢金卮催玉柱翩翩歌舞對夕暉隔岸
燈光遠灼爍中庭火樹亦芬菲直須多沽市上酒坐
待月落更漏稀卻思催租今日嚴昨宵羽檄急如飛
若得長官不嗔我酩酊日日欸君扉

焦穫孫枝蔚梅花亭子歌 自笑生平寡遭遇與客

看梅但看樹雖然不見花開時亦省卻傷花落處載
酒昔遊鄧尉山千枝萬葉春已暮正如師雄在羅浮
醉醒夢回想態度蓮花香滿西湖中弔古初臨處士
墓水邊落落數株存復似松風亭作寓今年五月客
潛江遶郭洪濤礙杖屨舊時歌舞今已無誰家臺榭
尚如故天寶年間樂事繁白頭老翁聞古語郭君相
見獨何晚不緣水退失歡聚三日兩日勤相邀自造
一船臨古渡翠竹蒼松色總佳更愛老梅種無數徘徊
徙倚綠陰濃恍然重入江南路只對根株興已飛

潛江縣志

卷之八

風土志
別墅

二十七

莫言蕊朵香紛布恨我不如倒掛烏嶺南村裏容來
去憐我不如階下石曾墜殘香分縞素合向深林領
百罰又別幽姿堪再誤潛江之遊頗不惡潛江高士
復可慕高士終朝邱壑間浮名難奪煙霞趣何遜當
時亦可憐題詩只坐揚州署那及此亭面水開朗吟
驚起雙白鷺

邑人朱載震梅花亭子歌 謾園主人識趨舍謝卻
時名存樸雅十畝濃陰負郭南數椽茅屋臨曠野叢
篠縈迴小徑通老梅橫影映清瀉春至花開待客遊

我亦頻過憩其下
裊拂莓苔碧
侵衣風翻殘萼
香浮罈
今同孫公坐
三伏梅葉盡
肥梅子熟
參參伍伍
幾十株
疏處猶然
補修竹
縱不及見
花滿枝
綠暗陰層
已繞屋
廣平曲終
杳難聽
襄陽有客
醉未醒
昨夜月
明水如練
主人嘯歌
梅花亭
又孫枝蔚
謾園宴集詩
深園堪避暑
水闊欲迷汀
搖艇煩童僕
開樽待客星
林逋多種樹
劉向早傳經
許坐高齋裏
休教醉不醒

邑人莫與先前題
進艇溪斜抱過橋
磴曲通戲魚

潛江縣志

卷之八

風土志
別墅

二十八

蓮葉北奇字
壁書東六逸
人傳白多愁
友藉紅枕流
狂未減
吾亦有園公

邑人朱士尊前題
南郭園林好
渾無剝啄聲
入山誠褊性
諧俗見深情
堂藉濃陰
暗窗分落照
明翻憐縱眺處
十載未春耕

郭鈇次前韻三首
樹裏斜開岸
扁舟繫柳汀
園非小有洞
座見少微星
雅令窮花史

豹人以花
名作觥律

高談罄

酒經一朝疑
義晰斗覺宿
醒醒掃榻延
三益橋欹
徑未通
小舟迎舍北
濁酒過橋東
竹水連窗碧
葵榴

照檻紅鳴鶯如舊識吟咏俟興公

鶯語吟修竹興公句

座繞

松筠氣亭環騷雅聲但能恬志意便有好心情仄徑
高蓬隱平疇遠水明談諧忘歲儉操筆佐農耕

宜莊 縣東南四十里東浦之東康熙十三年甲寅宜
莊花農朱士尊移家焉瀕河構園廬列卉長隄種蓮
曲渚茂林修竹約五十畝有編柳堂爲讀書處又有
盟霜舍祝秋齋汲堂晚翠軒覽輝閣悟牧居月韻樓
爲課耕遊息之地

邑人莫與先宜莊花農傳 宜莊距吾邑一舍而遙

潛江縣志

卷之八

風土志別墅

二十九

潛水東南流之隈水樹明瑟大有佳勝處甲寅春石
戶朱先生避亂胥宇於此因其先世蕪田數十畝刈
蓬藿編槿篠而卜築焉其言曰吾將以無用爲用經
吾莊甚宜其經世有用之用吾悉授之其人矣蓋謂
長公予友悔人也由是稱宜莊花農矣顧弗爲稼圃
之學而花農自命者何先生志潔行高以名位爲微
纏譽處爲蘧廬雖涉未流之温蠖矚然弗滓于躬製
芙作裳餐英當糗筮薰而猶不入誦橘而枳不移其
天性然也花農於書無所不讀嶽負川渟莫闕崖畧

而於物產理性特爲詣絕眎根撥而辦嫩惡訾蓓蕾以決盛衰他人雖精心學之終莫能及凡種植家有好花往往請花農鑒別至則手自翦揉漑壅不憚勞勩經數日而萎灌者起孳蹙者舒主人歎服多掇所愛相遺者而吾友悔人雅遊所至必搜訪遠致以供晨夕歡中州牡丹之盛甲天下石固王氏園最著商邱宋相國文康公家園牡丹備五色又王氏所未有也悔人入成均爲四姓小侯師今大中丞宋牧仲先生尚居郎署與悔人忘年壇坫交一日謂之曰君能

過吾梁苑者當割奇花代縞紵以資君孝若何悔人敬起謝未幾南旋迂道五六百里至商邱得奇花數種及牡丹黃綠數色不計任車僦直之費踰淮泗滌江漢以歸花翁對之色洒然喜也亟招予輩二三逸老揚觶酌花神傍相與屬和中丞漫堂綠牡丹詩成帙蓋前此宜莊花品稠麗未能定甲乙自是遂以牡丹爲冠冕焉花農治花與稼師治稼等攘之剔之薶炳蘊崇之欲長其兄而去其弟也覘土膏疏穢壤被以牡鞠之煙滌以蘭氏之澹欲使枿不化蝶而柎不

穴蠟也向背之方早晚之候燠宜敞軒汙宜複屋谷
產者避暎澤產者防霑欲其柢彊而氣遂也精微者
可以養生博大者可以理世用志不分迺凝於神花
農之沈冥於斯藝也而予以爲古之有道者非耶宜
莊內別館數處皆因勢匠意不爲方幅而花之蒙茸
敷豁若與之相夤緣連蜷者繚穆延曼者被徑森而
立者可幢縈而綴者可幄尺埒畚土皆花宅昔耶垣
衣皆花媵也予時時從花農遊坐汲堂靚爽處前爲
平臺方塘銜之如玦凭欄下窺毛髮可鑑魚鳥游泳

蒹蒲離披繞塘數百武煙樾霍靡雲蘿藹罨繚青凝
碧紫姹紅嫣泫露欲笑者與目謀裊風如吟者與耳
謀花發無虛日賞會無虛旬落英藉席流觴在手詠
言似綺吐屬成珠及出莊外則如從白雲綠嶂間瞥
爾墮地不知向所自入嘻亦異矣吾嘗疑洞天之說
之有無久矣綏山之桃邛都之橘所稱豪且樂者當
復有加焉否耶花農經營垂二十年讀書對客之暇
輒筆記花之所產所移種蒔之棄取喜忌色香之遷
換異同與夫榮瘁成毀之可喜可愕及今昔人題詠

都爲一編博而韻典而核眎草木狀虞衡志諸書蔑如也凡著書十餘種有遇鈔十卷異鈔十卷史畧八卷治平要錄五卷行世編柳堂全集則商邱中丞所鑒定又鉤纂歷代大部書有裨經濟實用者如歷律兵農屯漕醴鑄旁逮醫卜壬遜相馬種樹之書莫不審端竟委指掌析毫一一可見諸施行也悔人手鈔其什二三公諸海內汲古深思之士常炳然懸日月矣宜莊錄特緒論之一斑云花農名士尊字偉臣號石戶順治甲午恩選高隱不仕宜莊其別號也

潛江縣志

卷之八

風土志
別墅

三十二

又詩一首 潛水東南匯淪漪散成綺也西絡橫塘菰蒲森稠委風物待所闢雅尚迺經始結廬河渚曲高揖仲長子曠哉撫臯衍奧矣交霍靡激流植其援列卉如莊士榮木亞牆東貞松盤石倚坐石鈎新證研牀亦時徙著書得練要羽陵受條理盪胸高文發涸深積根柢齋也以韋名亭亦用考氏授簡庭之楹雒誦復鱗比我學類搏沙宕軼隨手指經旬再三過有疑豁如洗上堂忘客主詎謝漢陰里

邑侯王又旦詩 清溪一道水潏洄高樹千章繞屋

栽亂世避人君始築春時繫馬我曾來堂通橘刺眞
編柳客啟蓬門欲看梅陂岸關心防潰決西風是處
有奔雷

景陵胡承諾寄宜莊詩 往年殘雪對金螯一卷食
經拚醉泥坐上新詞傳鉢響夜深刻燭散烏啼春暎
吐翳寒山外岸柳舒容野水西五色大雲其下隱江
臬橋柱待君題

景陵戴祁宜莊信宿詩 幾曲緣江徑千重繞舍林
門閒花自落庭寂鳥時吟坐裏衣冠肅階前接引深

潛江縣志

卷之八

風土志
別墅

三十三

連朝風日美未便起歸心 全家移出郭習靜舊雲
莊得食馴禽下回春古木蒼莊側社樹數百
年久枯復榮 機忘情
共適人壽物同昌問字宜頻過扁舟一水長

邑人李世儒宜莊杏花詩 南客傷春春不同嫣然
春色似江東池塘柳葉已浮綠庭院杏花初綻紅坐
閱芳林煙裊裊預愁繁蕊雨濛濛及時展席須罇酒
醉倚斜陽聽緒風

宜莊花農朱世尊自詠詩 位置無穿鑿誅茅此正
宜延賓呼石丈抱甕灌蹲鴟樹古安巢穩林深下月

遲治畦蕘菘翦芳杜與葳蕤 春風催茂草秋髮伴
勞人戶鍵翻成腐差繁不讓貧繙書藏鹿革蹋壁走
龍賓誤識青門叟耘瓜說故秦

又絕句三首 草沒長隄水滿塘晚風竹笛度雲莊
月高夜起看牛犢絕勝銀鞍錦瑟場 茸母初生百
卉芳雙柑斗酒卧斜陽漢書一卷懸牛角又聽林中
夏扈忙 莫將粲粲詠南山消受荷風水半灣聽唱
一聲牛背穩悔教文錦列犧班

月泝 邑進士莫與先所居也在許家口下流其形如

潛江縣志

卷之八

風土志
別墅

三十四

月平疇綠樹聚族比廬上下三四里誦讀之聲相聞
公卜築贈君墓側躬耕養母作南陂詩後棄官歸杜
門息交短籬茅屋僅蔽風雨日與諸子弟嘯詠其中
舍東清波洄洑公顧而樂之弄釣自適晚號顧洄老
人

莫與先南陂詩并序 僕年踰彊仕尚無升斗之餼
仰佐尸饗思古人力畊而養寧不能爲須也學者自
潛受漢委昏墊十年求可畊之田不得歲己亥沔人
以潛水之口勢處建瓴譬諸禦寇不于室于門良便

乃譁于上而塞旃庚子春雨澤不優土人將旱是虞
無虞水矣家有藪澤百畝在先壟之南千步命曰南
陂至是涸與下田等老農謂可芟闢遂從事焉畎澮
未修薙除不力驕驕維莠熅熅其早鮮不嘔余農道
之弗精維余亦安夫耕之將繼以餒也六月漢水驟
漲嚙潛所塞隄如腐胔予鄉距決口纔百里幸免爲
魚異哉秋之穫雖不償傭饁費視比壤爲京坻矣閔
拙者之驗歌勞者之事亦如伐木邪許相杵鳴暗其
悻惻曠適之旨曾無當于古人聊以告余耦云爾

潛江縣志

卷之八

風土志
別墅

三十五

閒居治我懶學耕南陂曲負耒媿無能合耦咨爾僕
首種今未收屑豆糝園菽宛轉餉力子驅策亦已憊
及此澤中乾表曝舊潢瀆嫋嫋芙渠莖色比春秧縵
腰鎌罕差擇薙翦行相續譬如非所用殷杜高閣束
矧彼藿夷徒羣小慎勿蓄 周農紀土化茲理久未
論渴澤兼鹹瀉安得鹿與豸窪中喘健犢以人代輓
轅其耕不及尺芟草有陳根所憂土不膏使我苗也
髡且無安鹵莽相與尋水源 孟夏草木長秧旗風
徐徐分栽及未節

秧老則節
生如竹節

一一受爬梳老農誨我

言本壯行欲疏壯以衛竊草疏行蕃其餘更抽數尺
苗布之魚梁瀦酒醪慰勞苦青蓑裹臙胝嘗其旨與
否安用飾巾裾 五月北風涼土潤違其時豈惟曠
原溼澤腹裂于龜可憐雙轆轤數斗芹根泥昨夜原
上雨潤過一鋤餘曉望遠平疇翠羽炯參差霰霖無
久潤相告謹堰陂天施詎不均勤怠爲盈虧 漑禾
適漑莠莠長倍于禾暑熱如沸湯鉏水當奈何摩踵
休農力不治時已過莊莊我禾土孤特不媿阿神瘦
而貌悴負汝材已多兩存非善計太息對阿娜 促

潛江縣志

卷之八

風土志
別墅

三十六

織婦未驚鳴蜩農乍喜穗雲耀金色蕊蕊紛徙倚往
視先種禾玄黃若癩疔甫田穫每遲地力有恆理僕
人望速飽輒歎鄰疇美 漢水幾千里瀕洞奔潛湄
導川昧禹經捧土以塞之溽雨增濤怒長隄爛于糜
哀哉漢南北魚遊升高枝吾土匪善防偶爲馮夷私
小人屬無厭股引灌枯陂夜半驚灑灑操鍤立中泥
鄰壑良用媿垂堂安可嬉蘊隆雖云虐念彼子靡遺
曷忍值胥溺翩翩獨抱爲 先秋糶新穀闐闐塞筐
簞公私已多逋爭出聽所估憶當春耕乏斛米千錢

取辛苦安足論祁寒有懸釜列肆操奇贏廉賈亦十
五嗟我愚農夫豐凶竟歲苦 羣鵲遠飛來止場聲
咿喔短翅越洪波此焉卜有粟稚子亦慈豪爵絲斷
不續吾生何豐嗇寡欲恆止足雀鼠真壯哉廩高困
每縮 少年尚游俠爨無欲清人彊仕行已過干祿
猶積薪憎不辨種稔惰安給昏晨尸饗母色喜歲事
百斛盈酒脣報蜡祖父昆及諸鄰雞埒頗狼藉鷺塘
亦幽清把鎌采土芝垣槿護霜橙形勞志未辱文隱
道豈貧捉鼻語兒曹淵源安足論

潛江縣志

卷之八

風土志
別墅

三十七

三原孫枝蔚詩并序 僕久客潛江復值大水孤城
塊土如海中一小島然殆矣邑中莫大岸進士居於
月汧得倖免水患弄釣洄上甚樂也貽詩見嘲因次
韻相調 曾過采石弔李白更讀楚辭中不憚蒼龍
露角復露牙對此罷琴兼罷弈也知死生原有命全
家衣食待區畫雀噪天晴鳩喚雨物性眼前各自適
如何顧洄老釣徒笑人不監狒披格情恕理遣古所
難何以報之用惡客名畫竟污寒具油巧偷豪奪到
書籍對酒輒醉醉輒舞使汝無繇談老易然後卻借

釣船歸歸坐高樓晚霞赤回頭笑看顧洄翁何異千
金遭一擲

又效皮陸雜體簡大岸 垂楊厚意隱黃鸝多謝莊
隣酒滿卮懶費詩篇題甲子買田文券手須持 兒
曹植果婦栽萱愁報深江淹樹根十丈塵高適何處
分甘寧可守諸孫 屋梁寓燕鳴清晨車馬周流夏
接春閭左思歸歸未得蕭條行李白頭人 拄杖尋
山簡古藤看花騎馬異時曾高張良夜清琴罷重列
朝班固未能

潛江縣志

卷之八

風土志
別墅

三十八

邑人朱載震懷洄翁詩 旅人間最得闢戶有誰來
酒醖虛簷把芋苗活火煨綠回原上草香遠隴頭梅
卻憶洄東叟臨風過釣臺

網臺 邑知縣李貺讀書處李氏遠祖業于魚臺故其
曬網處在縣城南帶郭臨隄盛夏綠楊荷芰掩映澄
陂頗有幽致貺歸里後結屋貯書爲終老計示勿忘
祖德也

邑人劉連俊詩 曬網臺邊業未殘閒身乞得把魚
竿自將綠螳浮三雅不爲丹砂戀一官躡屐幾探嵩

少勝揮毫曾汲海門瀾

先生舊任柘城
丹徒兩縣令

白頭獎引心

偏切插架陳編許借看

李貺次答遐矚詩

留滯南徐爲局殘
郤回來伴子

陵竿源從洞口尋
偕隱夢渡江濤險似官長夏
疏籬搖老綠短衣曲檻俯迴瀾
此中著述渾閑事偏耐幽人冷眼看

義阡

月令二月掩骼埋胔攷洪武三年諭禮部示官司擇近城寬閒地爲義塚俾之葬埋天順四年命郡邑各置漏

潛江縣志

卷之八

風土志
義阡

三十九

澤園

本朝順治九年命埋骨置冢澤及枯骨憲典所載冥漠君之宅例得附焉

北郭義冢四區其在東嶽廟後者知縣曹珩買施計田四十畝其在水府廟傍者一爲知縣王念祖買施一爲知縣羅萬象買施共計田二十九畝有碑其在東嶽廟左者邑人朱之佩施計田十畝

西郊義冢二在西門外一爲邑人劉垓施一爲邑人陳大田施

南郊義塚在南門外橫隄頭邑人劉寅施計田五畝
夜汊義塚在縣西渡夜汊河邑人劉寅施計田十畝
河東義塚在黃漢垸計田一十三畝五分邑人李崇信
施

按義塚地與壇廟基址例同除科王侯羅侯所施二
區田凡二十九畝曩以地近水府廟看守之任諭令
廟僧禁踐毀防隱佔也康熙九年清丈竟混以僧名
攤租賠納莫告二十七年郡丞鄭公潤中來攝潛篆
僧普憫具陳本末公曰奈何以前令捐施瘞骨之地

潛江縣志

卷之八

風土志
義阡

四十

陷衲子以冤賠乎然頗以版冊更除爲難會邑士楊
昌慨然願以己名代輸公亟爲稱善尤不忍以好義
累昌命清查他處漏田以補之遂除僧名入衿戶公
之仁昌之義前侯之遺愛均得之矣昌本吳姓邑廩
庠生文學吳裨之子孝廉袞之姪大參公從誠之從
孫少孤貧力學敦行爲士林所重此其一節云

物產

穀之屬

稻

有早稻晚稻六月熟紅稻

糯

有黃殼糯晚糯

大麥

廣雅

曰粦立
夏熟

小麥

曰廣雅
秋熟

蕎麥

赤莖白花
冬成

粟

有糯粳

黍稷

芝麻

有白黑二種 豆有黃豆黑豆赤豆

蔬之屬 白菜青菜菜菔俗呼為蘿葡即蕪菁 油菜芥

菜莧菜二種紅白 甜菜苦菜蒿苣芫荽萆蒿茼蒿菠薐

芹葱蒜韭薤王瓜西瓜北瓜南瓜絲瓜茭笋茄匏瓠

芋有水芋旱芋二種 藕山藥苳豆扁豆

果之屬 梅李桃杏枇杷櫻桃梨栗木瓜柿棗銀杏梧

桐石榴葡萄橘橙柑柚香櫟康熙二十九年庚午冬水雪奇寒凍殺無存者

菱芡蓮葶薺茨菰

木之屬 松柏桐梓杞桑柘楊椿楮槐柳檉欒棟樗楓

潛江縣志 卷之八 風土志 物產 四十一

槿皂莢烏柏冬青

竹之屬 筍竹慈竹鳳尾竹淡竹苦竹紫竹斑竹水竹

草之屬 蘆葦蒿稗

花之屬 牡丹芍藥紫薇芙蓉葵木槿薔薇海棠鷄冠

鸞粟麗春菊木樨蒼菊山丹百合水仙山礬紫荊鳳

仙茶藤萱洛陽花石竹玉簪木筆玉蘭臘梅紫藤木

香寶相姊妹長春花即月紅

藥之屬 半夏香附益母蒲公英豨薟牽牛車前子紫

蘇薄荷枸杞瓜萆草麻桑白皮地骨皮艾旱蓮草金

銀花桑椹楮實子茱萸花椒五加皮蒼耳

貨之屬 棉花紅花綵麻苧麻靛蠶絲蜂蜜

羽毛之屬 鷄鴨鵝雉鴉鵲烏鴿鳩燕鶩鸕鶿鵪鶉

鶉鴿牛羊豕犬貓獾驢兔獐

鱗介之屬 鯉鯪魴鯽鯢鱖鯢鱔鱘鱧鱉龜

蚌蛤

蟲之屬 蠶蚓蚱蜢螳螂蟬蝴蝶蟋蟀螢蛙蜻蜒蠅

蚊蠓蠨蝸牛蝌蚪

潛邑土田中下布帛菽粟而外無他產也世宗朝有

潛江縣志

卷之八

風土志
物產

四十二

巨家以偶得香稻餉太府因獻上遂爲額貢民疲於
奔命者數年賴京山王御史宗載疏罷之今小民日
用青布最上者不及蘇杭之下帛乃謬得潛青之名
當道不時檄取布戶倍償無以應有司拮据而購諸
他方豈布粟亦民害耶 萬曆舊志

御史王宗載疏 畧曰興都地瘠民貧諸凡土產皆
四方所有自嘉靖四十一年守備張方希恩賚予越
分逢迎凡果餠魚米粗重之物皆派州縣責令里長
甲戶買辦以充上貢雖非其地之所出時之所有而

一概取派州縣無敢違者令小民百倍其值而不恤也且其充上貢者猶有常品充私饋者漫無紀極本地之出辦既竭其膏脂沿途之轉輸又急于星火所過驛遞無不騷然蓋不止于一方受病而已夫國朝歲貢之制載在令典俱有定式此既不係舊例又未奉明旨是亦不可以已乎合無查將前項進貢方物俱行停止不許守備仍假此名妄差官校需索州縣騷擾驛遞違者聽所在官司一體參治如此則阿奉無由而希冀之途塞取用有節而催科之患除矣

隆慶元年四月十一日具題奉旨張方著回京司禮監另差一員前去守備其餘事情行彼處撫巡查處奏請該部知道

按潛多沙壓曠土貧民間種北瓜其形較西瓜稍長而味亦無大異曩曾有以充中秋餽遺者後竟著爲成例計凡應餽之處自百枚以至數百枚始猶價買於市鎮既則派取於各垸甚且不問其人之種瓜與否按戶派取胥役恣意需索以飽其私囊寧知在上者直以微物視之往往卻而不收而民之受害已莫

可勝言矣邵陽王侯又且深知其害痛爲懲革嗣守
此土者復惑於胥役之請民之害也滋甚劉侯煥力
除陋規禁沿村採買之役民咸德之夫至人不貴異
物况未必異乎述土物之宜上之天府非其良者勿
相督責昔人防微之旨甚深且遠焉先儒有云東南
民力竭矣攷昔日香稻青布之貽累觀近今北瓜之
流弊尚敢侈言方物爲導欲之具哉